

# Obavijest o osiguranju

## Osiguranje u slučaju nesreće

### Grad Geteborg

Grad Geteborg je potpisao osiguranje u slučaju nesreće za učenike, djecu, omladinu i druge grupe u području djelatnosti Grada.

Broj osiguranja: **2083121** • Period osiguranja 1. 7. 2022.– 30. 6. 2023.

#### Na koga se odnosi osiguranje

#### Kada važi osiguranje

##### Djeca 0-17 godina

- Djeca uvedena u matičnu evidenciju u gradu Geteborgu.
- Djeca iz druge općine u općinskoj djelatnosti, individualnim aktivnostima te u općinskoj i samostalnoj školi u Gradu Geteborgu.
- Djeca tražitelji azila i djeca bez pratnje, te sakrivena djeca i djeca bez papira u Gradu Geteborgu.
- Izbjeglice iz Ukrajine 0-18 godina.

Puno vrijeme

##### Učenici srednje škole do i sa 18 godina

- Učenici srednje škole u općinskim i samostalnim srednjim školama i specijalnim srednjim školama i Gradu Geteborgu uključujući i učenike iz drugih općina
- Učenici iz Grada Geteborga koji se školuju u srednjim školama i specijalnim srednjim školama u drugoj općini

Puno vrijeme

##### Ostali osiguranici

- Učesnici u općinskom obrazovanju odraslih i specijalnom obrazovanju odraslih u okviru Uprave za obrazovanje. Učesnici koji provode ispite i zadatke u ronilaštvu, te obuku na radnom mjestu, stažiranje i projektni rad.
- Rukovodioci u općinskoj djelatnosti koji nisu obuhvaćeni osiguranjem u slučaju povrede na radu.

Vrijeme djelatnosti


#### Definicije

##### Puno vrijeme

24 sata dnevno

##### Školsko vrijeme / vrijeme djelatnosti

Osiguranje važi u periodu kada osiguranik učestvuje u normalnoj djelatnosti koju provodi općina u školama, brizi o djeci i slično, kao i na putovanjima do i od. Osiguranje važi i za druge djelatnosti koje je odobrio direktor škole ili ekvivalent kao što su školska putovanja i stažiranje za omladinu (PRAO).



## Elementi osiguranja

## Iznos osiguranja

Medicinska invalidnost <50 %	15 obračunskih osnovica
Medicinska i ekonomska invalidnost najmanje 50 %	30 obračunskih osnovica
Nadoknada za smrtni slučaj	1 obračunska osnovica
Nadoknada za smrtni slučaj neovisno o razolgu za osiguranika koji u trenutku nastanka povrede nije napunio 25 godina.	1 obračunska osnovica
Troškovi za lijekove, oštećenja zuba i putni troškovi	Neophodni i razumni troškovi
Odjeća i naočale (Primjenjuje se ako je povreda nesretnim slučajem rezultirala posjetom ljekaru ili stomatologu)	Najviše 0,25 obračunske osnovice
Nadoknada za ožiljke	Prema tabeli TSN-a od nivoa „Jasno izraženo“
Prolazna tjelesna i psihička bol	Prema tabeli
Pomagala	Neophodni i razumni troškovi
Dodatni troškovi	Neophodni i razumni troškovi
Medicinska rehabilitacija	Neophodni i razumni troškovi
Krizno osiguranje	Do 10 tretmana
Zaraza	5 obračunskih osnovica
Invalidnost kao posljedica pokušaja samoubojstva za osiguranika koji u trenutku povrede nije napunio 20 godina.	Pogledajte iznad medicinska i ekonomska invalidnost.

-Osiguranje se primjenjuje bez osobnog rizika osiguranika  
-Obračunska osnovica za 2022. godinu iznosi 48 300 kruna

### Osiguranje važi 12 mjeseci u cijelom svijetu.

Imajte na umu da ovo nije putno osiguranje. Ako ćete putovati van nordijske regije potrebno vam je posebno putno osiguranje koje važi i za troškove koje su posljedica bolesti u inozemstvu i za transport kući iz inozemstva u slučaju bolesti i nesretnog slučaja.

Za učenike koji završavaju svoje obrazovanje u predškolskoj ustanovi, predškolskom razredu, osnovnoj odnosno srednjoj školi osiguranje važi do 1. septembra tekuće godine.

### Kada dođe do nesretnog slučaja

U slučaju nesreće, prijava se radi putem:

Web stanice: <https://lansforsakringar.se/gbgstad>

Odaberite „Anmäl skada här“ (Prijavite štetu ovdje), na sljedećoj stranici odaberite crveno polje „Anmäl skada“ (Prijavite štetu) i zatim popunite svoje podatke.

Telefon: 031-63 80 00

### Mjere u slučaju nesreće

- Posjetite ljekara ili stomatologa koji je povezan sa Agencijom za socijalno osiguranje (Försäkringskassan)
- Sačuvajte sve račune
- Potreba za taksijem do i od škole zbog nesretnog slučaja mora biti potkrijepljena ljekarskom potvrdom. Iz potvrde mora proizlaziti tokom kog vremena se taksij odobrava. Prije narudžbe putovanja taksijem do i od škole mora se kontaktirati OZ Länsförsäkringar Göteborg och Bohuslän radi potvrde. Pošaljite potvrdu kada prijavljujete nesreću putem web stranice OZ Länsförsäkringar Göteborg ili putem e-pošte. Nakon potvrde dobijene od OZ Länsförsäkringar Göteborg och Bohuslän možete naručiti putovanja taksijem.
- U slučaju nesreće, zahtjev se mora prijaviti OZ Länsförsäkringar Göteborg och Bohuslän što je prije moguće.

# Dobro je znati o osiguranju

## UVJETI OSIGURANJA

U ovoj izjavi o osiguranju dat je samo kratak opis osiguranja. Prilikom rješavanja potraživanja, primjenjuju se uvjeti koji se nalaze u ugovoru između Grada Geteborga i Osiguravajućeg zavoda (OZ) Länsförsäkringar Göteborg och Bohuslän. *Obratite nam se za više informacija.*

## POVREDA NESRETNIM SLUČAJEM

Povreda nesretnim slučajem podrazumijeva se tjelesna povreda koja vas nenamjerno pogađa iznenadnim vanjskim događajem. Pod vanjskim događajem se podrazumijeva vanjsko nasilje nad tijelom. Povreda nesretnim slučajem je zahtijevala ljekarsku pomoć. Povreda nesretnim slučajem izhedačava se s povredom usred promrzlina, toplotnog udara, kao i totalna ruptura tetive pete, uvrtnje koljena, te zaraza uslijed ugriza krpelja.

## KRIZNO OSIGURANJE

Uključeno je ako patite od akutne psihičke krize u vezi s

- Ozbiljnom povredom uslijed nesretnog slučaja
- napadom, prijatnjom, pljačkom ili silovanjem (potrebna je policijska prijava)

Nadoknada se daje za razumne troškove do deset tretmana kod legitimiranog psihologa/psihoterapeuta ili druge za razgovor podrške obučene osobe. Tretman mora biti upućen ili odobren od strane osiguravajućeg zavoda. Osiguranje ne važi za psihičke bolesti izazvane vršnjačkim zlostavljanjem.

## INVALIDNOST KAO POSLJEDICA POVREDE U NESREĆNOM SLUČAJU

Pod **medicinskom invalidnošću** podrazumijeva se buduće trajno oštećenje tjelesne funkcije.

Pod **ekonomskom invalidnošću** podrazumijeva se buduće trajno smanjenje radne sposobnosti povrijeđenog od najmanje 50%.

Nadoknada se može dati za medicinsku ili ekonomsku invalidnost. Konačna procjena može se napraviti tek kada je povreda zacijelila i ljekar ocijeni da se stanje stabiliziralo. Nadoknada se daje za onoliki dio iznosa osiguranja koji odgovara stepenu invaliditeta.

## TROŠKOVI ZA LIJEKOVE, PUTOVANJA I OŠTEĆENJA ZUBA

Nadoknada se daje za neophodne i razumne troškove za zdravstvenu njegu ili tretman koji ljekar prepíše za zacijeljivanje povrede. Kod oštećenja zuba nadoknada se daje za troškove koje je OZ Länsförsäkringar Göteborg och Bohuslän unaprijed odobrio. Neophodan hitan tretman se, međutim, nadoknađuje bez prethodne najave. Oštećenje zuba zbog žvakanja ili gríženja nije uključeno.

Nadoknada se daje za neophodna putovanja za zdravstvenu njegu i liječenje. Ukoliko prema ljekarskom propisu morate koristiti posebno prevozno sredstvo tokom perioda ljekarskog tretmana kako biste obavljali svoje radne ili školske zadatke, nadoknada se može isplatiti za dodatne troškove za putovanja između redovnog

mjesta stanovanja i redovnog radnog mjesta ili škole.

## NADOKNADA ZA SMRTNI SLUČAJ

Pravo na nadoknadu za smrtni slučaj postoji ukoliko povreda nastala nesretnim slučajem dovede do smrti osiguranika u roku od tri godine od trenutka nesreće. Pravo na nadoknadu za smrtni slučaj neovisno o razlogu se odnosi na osiguranike koji u trenutku nastanka povrede nisu napunili 25 godina. Važi od 0 godina pod uslovom da je dijete bilo živo pri rođenju i dobilo matični broj.

## ODJEĆA, NAOČALE I DRUGO

Ukoliko je povreda nesretnim slučajem dovela do posjete ljekaru ili stomatologu, u vezi sa nesrećom nadoknađuju se oštećena osobna odjeća, kaciga, naočale, slušni aparat i druge invalidska pomagala koja su se nosila u trenutku nesreće. Ako se oštećeni predmet može popraviti, obezbjeđuje se naknada za troškove popravka.

## NADOKNADA ZA OŽILJKE

Nadoknađuje se ako je ožiljak najmanje jasno izražen, od nivoa B prema tabeli, najranije godinu dana nakon nesretnog slučaja. Preduvjet za nadoknadu je da je povreda zahtijevala ljekarsku pomoć.

## PROLAZNA TJELESNA I PSIHIČKA BOL

Nadoknada se obezbjeđuje prema tabeli u slučaju kada je akutno vrijeme liječenja duže od 30 dana.

## NADOKNADA ZA POMAGALA

Nadoknada se može isplatiti za troškove koji se ne nadoknađuju nigdje drugdje za pomagala koja je ljekar propisao koja mogu olakšati stanje invaliditeta. OZ Länsförsäkringar mora unaprijed odobriti troškove.

## MEDICINSKA REHABILITACIJA

Nadoknada se obezbjeđuje za mjere koje je propisao ljekar čiji je cilj povratak na rad ili školu.

## DODATNI TROŠKOVI

Ako je povreda zbog nesretnog slučaja zahtijevala ljekarsko ili stomatološko liječenje, nadoknađuju se neophodni dodatni troškovi koji su posljedica povrede zbog nesretnog slučaja u akutnom periodu bolesti. Izgubljena zarada se ne nadoknađuje.

## ZARAZA

Osiguranje važi za zarazu virusom HIV i hepatitis B i C koja je direktna posljedica povrede kod nesretnog slučaja.

# Ponuda zdravstvenog osiguranja kao dopuna

Djeca su najdraže što imamo. Uprkos tome, automobil i dom su često bolje osigurani od djece. Nudimo vam da dopunite osiguranje u slučaju nesreće Grada Geteborga osiguranjem koje također pokriva, na primjer, invalidnost uzrokovanu bolešću<sup>2</sup>.

## Bolest je najčešći uzrok invaliditeta

Osiguranje koje vaše dijete dobija preko Grada Geteborga važi samo u slučaju nesreće, ali najčešći uzrok invaliditeta kod djece je bolest. Može se, na primjer, raditi o metaboličkim bolestima ili bolestima čulnih organa.

## Isnos osiguranja

Osnovni iznos kod invaliditeta je 10 obračunskih osnovica<sup>1</sup>.

## Ovako se izračunava nadoknada za medicinski invaliditet

Nadoknada za **medicinski invaliditet** se daje u procentima od odobrenog iznosa osiguranja. Medicinski invaliditet od 20 % ili više također pruža dodatnu nadoknadu, pogledajte uvjete. Najviša moguća nadoknada je 300 % iznosa osiguranja.

## Ovako se izračunava nadoknada kod radnog invaliditeta

Nadoknada za **ekonomski invaliditet** se daje u procentima od odobrenog iznosa osiguranja. Medicinski invaliditet od 10 % ili više također pruža dodatnu nadoknadu za ekonomski invaliditet, pogledajte uvjete. Najviša moguća nadoknada je 140 % av iznosa osiguranja.

## Ostale nadoknade koje se mogu pružiti

- Troškovi za lijekove i putovanja u slučaju bolesti
- Boravak u bolnici i nadoknada za hitnu zdravstvenu njegu
- Rehabilitacija i pomagala
- Subvencija troškova
- Nadoknada za smrtni slučaj

Osiguranje se u ograničenom obimu odnosi na određene bolesti.

## Zdravstvena deklaracija

Kada tražite zdravstveno osiguranje, vršimo procjenu medicinskog rizika. U većini slučajeva, dijete može dobiti zdravstveno osiguranje, ali pravimo izuzetke za bolesti i tegobe koje već postoje kada se prijavite za osiguranje. Zato je potrebno da znamo što više o zdravlju vašeg djeteta. Kada popunite zdravstvenu deklaraciju, dobijamo saznanja o vašem djetetu koja nam omogućavaju da procijenimo koje osiguranje vam možemo ponuditi.

1) Obračunska osnovica je 48 300 kruna za 2022. godinu

2) Osiguranje se potpisuje do i sa 18 godina i ugovor je koji sklapate privatno sa OZ Länsförsäkring

## Za više informacija i prijava

Pročitajte više na <https://lansforsakringar.se/gbgstad>

Pozovite 031-63 80 00 za dodatne informacije ili da bismo vam poštom poslali zdravstvenu deklaraciju i obrazac za prijavu.